

Dinnae demand.

So many people nowadays seem to imagine themselves as superior beings and masters of all they survey.

Ma freend, if ye're lookin for something fae me,
courteous an canny an calm ye must be.
I'm shair that ye'll get what ye want, as ye planned,
but freend, ask me nicely an dinnae demand.

Believe me, I'll aye dae ma best tae assist,
nae maitter hoo mony things lie on yer list.
But let me juist tell ye so's ye'll understand,
ayeways ask nicely and never demand.

An yais'ly I'll offer ma aid wi a smile.
I'm happy tae traivel that long extra mile.
I'll try tae be yuisfu, I'll aye lend a hand,
but ayeways ask nicely and never demand.

For issuin orders is yin big mistake,
an barkin commands is the wrong road tae take.
I'm fine wi requests, but resent a command,
sae ayeways ask nicely and never demand.

There's no much annoys mair than comin across
as some yuisless wee naebody tryin tae be boss,
sae say what ye want, an we'll juist get on grand.
But mind! Ask me nicely, and dinnae demand!